

Na osnovu člana 26. Odluke o izvršenju Budžeta Općine Velika Kladuša za 2026. godinu („Službeni glasnik Općine Velika Kladuša“ broj: 17/25 i 7/26) i člana 3 i 4. Pravilnika o uslovima, načinu i kriterijima za dodjelu sredstava vjerskim zajednicama iz Budžeta Općine Velika Kladuša, Općinski načelnik Općine Velika Kladuša, raspisuje:

**JAVNI POZIV
za podnošenje prijava za dodjelu sredstava vjerskim zajednicama iz Budžeta Općine
Velika Kladuša**

I PREDMET JAVNOG POZIVA

Predmet javnog poziva je dodjela sredstava vjerskim zajednicama iz Budžeta Općine Velika Kladuša.

Ukupan iznos raspoloživih sredstava za dodjelu vjerskim zajednicama u Budžetu Općine Velika Kladuša za 2026. godinu, planiran je u iznosu od 20.000,00 KM (slovima: dvadest hiljad konvertibilnih maraka).

Maksimalan iznos sredstava po korisniku iznosi 13.000,00 KM, dok je minimalan iznos sredstava po korisniku 3.000,00 KM.

Postotak finansiranja administrativnih troškova iznosi 20%;

II PRAVO UČEŠĆA

Pravo na dodjelu sredstava imaju:

- Institucije IZ u BiH – Medžlis IZ Velika Kladuša;
- Institucijama Katoličke crkve u BiH – Banjolučka biskupija;
- Institucijama SPC u BiH – Eparhija Bihaćko-petrovačka.

Pravo prijave imaju vjerske zajednice koje imaju sjedište ili vjerski objekat na području općine Velika Kladuša.

Izuzetno, sredstva se mogu dodijeliti i vjerskim zajednicama izvan područja općine ukoliko je njihovo djelovanje od značaja za zadovoljavanje vjerskih potreba stanovnika općine Velika Kladuša.

III NAMJENA SREDSTAVA

Sredstva se mogu dodijeliti za:

- a) manje popravke, sanaciju, rekonstrukciju i adaptaciju vjerskih objekata;
- b) hitne intervencije na objektima;
- c) zaštitu objekata koji imaju kulturno-historijsku vrijednost;
- d) organizaciju vjerskih praznika, blagdana i manifestacija;
- e) kulturne, obrazovne i izdavačke aktivnosti;
- f) projekte od značaja za lokalnu zajednicu.

IV POTREBNA DOKUMENTACIJA

Prilikom podnošenja prijave dostavlja se:

- a) Zahtjev na propisanom obrascu;
- b) Dokaz o registraciji vjerske zajednice ili njene organizacione jedinice
- c) Detaljan opis projekta ili aktivnosti;
- d) Finansijski plan projekta;
- e) Predmjer i predračun radova, ukoliko se radi o građevinskim zahvatima manje popravke, sanacije, rekonstrukcije ili adaptacije;
- f) Za organizaciju vjerskih praznika, blagdana i manifestacija – program aktivnosti koji sadrži naziv, cilj, aktivnosti, budžet, mjesto i vrijeme realizacije,
- g) Za projekte koji se odnose na sufinansiranje komunalnih troškova – godišnja projekcija troškova po vrstama komunalnim uslugama,
- h) Dokaz o transakcijskom računu;
- i) Dokaz o vlastitom učešću ili sufinansiranju iz drugih izvora,
- j) Izvještaj o utrošku sredstava iz prethodne godine (ukoliko su ranije koristili sredstva iz Budžeta Općine

V KRITERIJ ZA OCJENJIVANJE

- značaj projekta za lokalnu zajednicu – do 25 bodova;
 - broj korisnika obuhvaćenih projektom – do 20 bodova;
 - opravdanost i kvalitet projekta – do 25 bodova;
 - financijska opravdanost i održivost – do 15 bodova;
 - kvalitet i održivost projekta – do 15 bodova;
 - vlastito učešće ili sufinansiranje iz drugih izvora – do 15 bodova.
- Ukupan broj bodova iznosi 100.

Prilikom bodovanja i raspodjele sredstava prednost imaju projekti koji se odnose na:

- a) objekte na području Općine Velika Kladuša
- b) objekte sa statusom kulturno-historijskog dobra
- c) objekte čije stanje ugrožava sigurnost ljudi i imovine.

VI ELIMINATRONI KRITERIJ

Neće se razmatrati prijave:

- a) podnesene nakon isteka roka
- b) nepotpune prijave
- c) prijave podnosilaca koji nisu dostavili izvještaj o ranije dodjeljenim sredstvima
- d) prijave koje nisu u skladu sa ciljevima javnog poziva
- e) prijave kod kojih nije moguće utvrditi namjenska sredstva

VII ODLUKA O DODJELI SREDSTAVA

Postupak po javnom pozivu provodi Komisija koju rješenjem imenuje Općinski načelnik.

Komisija ima predsjednika i najmanje dva člana, a obaveze iste su da: pregleda pristigle prijave, vrši administrativnu provjeru prijave, utvrđuje ispunjenost uslova, sačinjava zapisnik o radu, predlaže listu projekata i dostavlja prijedlog Općinskom načelniku.

Komisija sačinjava preliminarnu rang-listu, koja se objavljuje na internet stranici Općine. Na preliminarnu rang-listu može se podnijeti prigovor u roku od 8 dana od dana objave. O prigovoru odlučuje Općinski načelnik u roku od 8 dana od dana zaprimanja prigovora. Nakon okončanja postupka po prigovoru Općinski načelnik donosi konačnu odluku o dodjeli sredstava. Konačna odluka objavljuje se na internet stranici Općine.

Svaki član komisije će biti isključen iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

NAČIN I ROK PRIJAVE

Javni poziv ostaje otvoren 30 (slovima:trideset) dana od dana objavljivanja.

Prijave s dokumentacijom dostavljaju se u zatvorenim kovertama:

s naznakom „PRIJAVA NA JAVNI POZIV za dodjelu sredstava vjerskim zajednicama iz Budžeta Općine Velika Kladuša za 2026. godinu – NE OTVARAJ“

putem pošte na adresu:

Općina Velika Kladuša
Služba za upravu, društvene djelatnosti i zajedničke poslove
Ulica Hamdije Pozderca br. 3, 77230 Velika Kladuša
ili neposredno u zgradi Općine Velika Kladuša, putem Pisarnice

Za sve dodatne informacije u toku trajanja Javnog poziva mogu se dobiti putem e-maila: jasmin.sahinovic@velikakladusa.gov.ba ili senad.sehic@velikakladusa.gov.ba.

Dostavljanje odgovora vršit će se putem elektronske pošte, najkasnije 48h nakon zaprimanja elektronske pošte.

Akt obradio:
Šahinović Jasmin, mag.pol.



Velika Kladuša, 11.08.2026. godine;
Broj:02-11-2380-1/26